

Il mas-chalch da Sent



Publicaziuns officialas. Cumpara seguond bsögn.

2009/2011

no. 24

7554 Sent, 3 gün 2010 / bmr

Publicaziuns da fabrica

Reguarda: Chasa d'abitar nouva e fouras geotermicas, parcella 614, 7554 Sent

Patrun da fabrica: Martina e Buolf Näff-Benderer, Bügliet 92, 7554 Sent

Profilà: 28.05.2010

Reguarda: Fanestra nouva vers nord, Sala 239, 7554 Sent

Patrun da fabrica: Daniel Zimmermann, Sala 239, 7554 Sent

Profilà: --

Reguarda: Ingrondimaint stüva, Sot Baselgia 56, 7554 Sent

Patrun da fabrica: Andreas Gerber, Tivolistrasse 9, 6006 Luzern

Profilà: --

Reguarda: Renovaziun chasa d'abitar, Saglina 22, 7554 Sent

Patrun da fabrica: Marcus Batschwaroff, Waldstrasse 28, 4144 Arlesheim

Profilà: 21.05.2010

Reguarda: Renovaziun abitaziun, Sala 120 A, 7554 Sent

Patrun da fabrica: Cla Sarott, Sala 120, 7554 Sent

Profilà: --

Reguarda: Divers müdamaints, Archas, 7554 Sent

Patrun da fabrica: Ronald Jacobs, Archas 194, 7554 Sent

Profilà: --

Reguarda: Renovaziun plan tet, lobjia e lucarnas, Stron 245, 7554 Sent

Patrun da fabrica: Daniel Zangger, Chrüzwies 1, 8852 Altendorf

Profilà: 26.05.2010

Reguarda: Paravent pro la lobjia plan terrain, Costa dad Archas, parcella 424, 7554 Sent

Patrun da fabrica: Barbara e Roland Kilchenmann, Winterthurerstrasse 43, 8180 Bülach

Profilà: --

Publicaziun da fabrica BAB

Reguarda: Local da tecnica e deposit, Sarandschasch 293 A, 7554 Sent

Patrun da fabrica: Corina e Men Caviezel, Sarandschasch 293 A, 7554 Sent

Profilà: 25.05.2010

Publicaziun da fabrica BAB

Reguarda: Tanc per aua, Ruinas, parcella 1323, 7554 Sent

Patrun da fabrica: Mario Schmidt, Segantinistrasse 26, 7000 Cuaira

Profilà: --

Publicaziun: **03.06.2010**

Termin da protesta: **23.06.2010**

Edizium: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Radunanza cumünala

La radunanza es gnüda fixada sün **marcurdi, 16 gün 2010** a las 20.15 in chasa cumünala.

Tractandas:

1. Orientaziun revisiun parciala da la ledscha da sunteri e sepultüra
2. Model directiv (orientaziun e trattamaint)
3. Varia

Il Cussagl cumünal

Radunanza da vaschins

In marcurdi, 16 gün 2010 davo la radunanza cumünala politica ha lö la radunanza da vaschins.

- Tractandas:**
1. Cundiziuns per vender chamonnas cun contrat da dret da fabrica*
 2. Varia

* Il cumün da vaschins ha stipulà a seis temp cun divers possessuors da chamonnas fabbrichadas sün terrain dals vaschins contrats da dret da fabrica. Tenor quel han ils vaschins pro üna vendita da la chamonna il prüm dret da cumprita.

Il Cussagl da vaschins

Uorden da parcar

Avis:

A partir dals 1. schner 2010 voula per traffichar sün *vias champestras* e per parcar per lavurar in stabilimaints (*mansteranza*), la vignetta nouva per l'on 2010. Chi chi nun ha la vignetta vain chastià. Las vignettas da l'on e quellas da 14 dis ston gnir retrattas in büro cumünal. Quellas da di pon gnir retrattas eir amo in seguaints lös publics: **Sent Turissem, Restorant Chasa Veglia, Restorant Fontana, Hotel Rezia, Piazza da campadi Sur En, Hotel Val d'Uina Sur En, Restorant da muntogna Vastur.**

Per las vias forestalas (per ir a far legna) faja eir dabsögn d'üna vignetta. Quella po gnir retratta sün büro cumünal ed es gratuita. Chi chi nun ha quella vignetta vain chastià.

La pulizia chantunala pretenda chi gnian tuttas davent las vignettas veglias e cha las vignettas hajan in avegnir da gnir montadas be sülla fanestra davant (Frontscheibe).

Il Cussagl cumünal

Invid a la radunanza generala

Stimadas commembras, stimats commembers

Dar cheu es passà ün on da gestiun e no lain invidar a nosa radunanza generala. Quella ha lö

marcurdi, 23 gün 2010, 20.15h in chasa cumünala Misoc

Tractandas:

1. Salüd dal president
2. Elecziun dals scrutinadurs
3. Protocol da la radunanza generala 2009
4. Rapport annual dal president
5. Spiegaziun dal quint 2009
6. Rapport dals revisuors
7. Approvaziun dal quint 2009, dis-charg suprastanza
8. Infuormaziun program da stà
9. Varia

Il rendaquint po gnir retrat a partir dals 10 gün sün büro da Sent Turissem.

Davo la radunanza vain servi ün aperitiv. No vessan grond plaschair, da pudair salüdar a blers/as commembers/as.

Sent Turissem

Tscherchè società

Nus tscherchain üna società chi'd es pronta da surtour l'ustaria per la festa dals 1. avuost 2010. Annunzchas piglia incunter l'administraziun cumünala, tel. 081 861 20 60 fin als 18 gün 2010.

Il Cussagl cumünal

Fluors dals bügls

Quels chi pulischan ils bügls dessan far il bain e dar güsta eir aua a las fluors. Grazcha fich!

Sent Turissem

Avis als fittaders d'abitaziuns da vacanzas ed als hoteliers

Giasts chi vegnan regular a Sent in vacanzas survegnan da Sent Turissem mincha 5 ons ün regalin. Perquai giavüschaina cha'ls fittaders ans fetschan attent sün giasts regulars, per cha tuots possan far adöver da quista sporta.

Grazcha fich!

Sent Turissem

Avis: deponia La Fuorcha

Nus giavüschain a quels chi possedan amo clav da La Fuorcha, da restituir quellas fin il plü tard **marcurdi, als 9 gün 2010. Davo quist termin nu vegnan ils frs. 100.00 da depot plü restituits.**

Chancellaria cumünala

Grotta da cultura: Frütta marscha

Als 8 gün 2010, a las 20.15, illa Grotta da cultura. Islam, buddhissem, cristianissem: Che rollas giuvan las religiuns aint il muond? Üna cuntribuziun da scolars dal s-chalin ot. Cul referat e cul teater "frütta marscha".

La pravenda

Da dar a fit a Sent

Tscherchè da dar a fit a Sent, aint in üna chasa engiadinaisa renovada, in Archas Sura, a partir dals 1. avuost 2010, ün' abitaziun da 5 ½ stanzas.

Annunzchas piglia incunter sar Jürg Lippuner, Archas Sura 205, 7554 Sent, tel. 081 864 92 40.

Jürg Lippuner



Avrigl 2010

Participants:

9 personas singulas

Soc. da gimnastica da senioras (10 personas)

Gener da sport:

Uras:

Puncts:

Nodar	17	34
Aerobic	4	8
Skis	23	46
Jogging	0.5	1
Velo	12	24
Nodar	1	2
Chaminar	383.5	767
Pilates	7.5	15
Joga	10.5	21
Gimnastica	155	310
Nordic Walking	21	42
Snowboard	9	18
Inline Skating	5	10
Total	649	1298

Scheffa da cultura e sport

Puncts per movimaint	→	!!! Nouv: Di da sandà !!! Dumengia, als 3 october 2010 11.30 – ca. 17.00 h Plazza da sport
L'acziun va inavant sco communicà: fin la fin da gën = 1. etapa lügl fin december = 2. etapa		

Tscherchè exposituors pel Di da sandà

Il Di da sandà invida a tuot la populaziun da gnir in contact cun la gronda sporta da sandà in nos cumün. La sporta cuntegna societats o gruppas da sport, Joga, differentas massaschas e terapias, kinesiologia, cussagliaziun da nudritüra, pedicüra, il meidi e.u.i.

Persunas chi fan da quista lavur e lessan preschantar lur lavur al „Di da sandà“, pon s'annunzchar pro Marianne Werro, tel. 081/864 82 69 o cmwerro@bluewin.ch.

Proposta dal program suot http://www.sent-online.ch/sport/sport_program.pdf

Il CO (OK), chi vegn amo fuormà, piglia jent incunter ulteriuras ideas.

Scheffa da cultura e sport

Concert cun cor ad hoc e scolars da la 5 e 6avla classa

Chi nu cugnuscha il „tango criminal“, ils hits dals Comedian Harmonists „Der kleine grüne Kaktus“ e „Wochenend und Sonnenschein“ o l'omagi a la plü bella via dal muond „Aux Champs-Élysées“. Il cor ad hoc da Sent cun s-chars 40 chantaduras e chantadurs e'ls scolars da la 5 e 6avla classa s'han preparats pel concert tradiziunal da prümvaira.

Data: sonda, **5 gün 2010** (20.15)

Lö: baselgia Sent

Program: Schlaghers

Instrumentalists: Risch Biert, clavazin e Domenic Janett, clarinetta e saxofon

Dirigent: Jachen Janett

Prevendita bigliets (creschüts 15.-fr./uffants 7.-fr.): Sent Turissem (081 864 15 44)

La scoula

Festa d'uffants 2010

Tenor tradiziun ha lö mincha 9 ons üna **festa d'uffants** per tuot ils scolars e per tuot las scolaras da la regiun Ftan, Tarasp, Scuol, Sent, Ramosch, Vnà, Tschlin, Strada e Martina. In gün dal 2010 esa dacheu uschè inavant. L'organisaziun ha surtut la magistraglia da Sent. La festa da quist on sta suot il motto da l'inscunter. Dürant plüssas uras absolvan ils scolars in gruppas da differentas etats e da differentes cumüns ün parcuors cun 12 posts. Sün quels posts - chi's rechattan aint il god tanter Sur En e Tramb lai - vegnan examinats l'indschegn, l'equiliber, la forza, la sveltezza, l'agilità, la perseveranza e natüralmaing eir la furtüna.

Genituors ed oters interessents sun amiaivelmaing invidats da gnir a verer, clomar ed applaudir.

Data: gövgia, 10 gün 2010

(dis da reserva pel cas da trid'ora: venderdi 11-6 / mardi 15-6 / gövgia 17-6)

Lö: Tramb lai

Program

08.45	arriv dals scolars
09.00	salüd e cuorta orientaziun
09.40	parcuors cun posts (1.part)
11.45	giantar (Tramb lai)
13.00	parcuors cun posts (2.part)
15.15	producziun finala (Tramb lai)
15.30	finischun (Tramb lai)

La magistraglia da Sent

Stafetta tras Sent (cun ustaria!)

In venderdi, als **18 gün 2010** ha lö la 27avla stafetta tras Sent. Las squadras as cumpuonan da 5 partecipant(a)s ed in mincha squadra ston cuorrer almain üna duonna ed ün uffant. (cuosts: creschüts 7.-fr./uffants 5.-fr.)

Tragets

1. Plaz-Curtinaglias-Bügliet-La Motta
2. La Motta-Plaz (butia)-Curtin
3. Curtin-Bügl Süt-Schigliana
4. Schigliana-Plaz-Sot Pradè-Tanter Saivs-Bügliet
5. Bügliet-Avant Baselgia-Chasellas-Fora da Büz-Plaz

Program: 18.45-19.30: scumpart da nomers/19.30: s-chodar aint/20.00: partenza

Annunzchas: Christian Poo (079 689 67 66) o andri.gritti@sent-online.ch

Club Skiunzs Sent

Mas-chalch

La fin da redacziun pel prossem mas-chalch es als **22 gün 2010**.

Administraziun cumünala